

四庫全書

子部

欽定四庫全書

子部

唐開元占經卷三十八至四十

詳校官中書_臣李采

靈臺郎_目倪廷梅覆勘

總校官編修_臣王燕緒

校對官庶吉士_臣潘曾起

謄錄監生_臣薛振基

欽定四庫全書

唐開元占經卷三十八

唐瞿曇悉達撰

填星占一

填星名主一

石氏曰填星其神雷公決星名曰卿魄 荊州占曰填

星常晨出東方夕伏西方其行歲填一宿故名填星

石氏曰填星主季夏主中央主土於日主戊巳是謂黃

帝之子主德女主之象宜受而不受者為失填其下之

國可伐也德者不可伐也其一名地侯

案服食經曰雄黃填星之精也

淮南子曰中央土也其帝黃帝其佐后土執繩而制

四方繩直也其神為填星其獸黃龍其音宮其日戊巳

春秋緯曰填星主德德失則宮室高臺榭繁故填星

縮火燒門動則水決江河破凶 文曜鉤曰填星主德

以正常德失則罰出填星二十四徵以效存亡 合誠

圖曰填星主正紀綱 甘氏曰填星主太常主周梁

海中

占曰周梁
中國也

邦有德填星當也

巫咸曰填星之德厚安

危存亡之機

填星所宿者其國安大人有喜增土

五行傳曰填星於五常為信言行不二於五事為思心

寬容受諫若五常五事皆失填星為變動為土功為女

主為山崩為地動 吳龔天官星占曰填星所居國有

德不可以兵加也

班固天文志曰填星者信也思也

仁義禮智以信為主貌言視聽以心為正故四星皆失

填星迺為之動

郝萌曰填星主祭祀鬼神宮及太常

荊州占曰填星土之精主四季 填星主司天下女
主之過女主邪填星邪女主正填星正 石氏曰填星
正女主正紀綱

填星行度二

五行傳曰填星以上元甲子歲十一月朔旦冬至夜半
甲子時與日月五星俱起於牛前五度順行二十八宿
右旋歲一宿二十八宿而周天

案歷法填星一年平行
十二度十一萬六千四

百三十二分度之四萬六千二百七十一
二十九年百六十八日十九百七十六分日之
十一百三十七而周

天是三百八十三
年而十三周天

淮南子曰填星以甲寅元始建斗

寅元始厯起之年也
建斗填星起於斗也

日行二十八分度之一歲行十二度

百一十二分度之五二十八歲而周天 春秋緯曰填

星出百二十日反逆西行百二十日東行見三百三十

日而八八三十日復出東方運之常也守度持節為紀

綱順之吉逆之凶 荊州占曰填星出東方三百三十日

而夕伏西方三十日而復晨見東方 尚書緯曰氣在

於季夏其紀填星是謂大靜無立兵立兵命曰犯命奪

人一畝償以千里殺人不當償以長子不可起土功是
謂犯天之常滅德之光可以居正殿安處舉有道之人與
之慮國人以順式時利以布大德脩禮義不可以行武
事可以赦罪人與德相應其禮衣黃是謂順陰陽奉天
之常也如是則填星得度其地無災 動聲儀曰宮音
和調填星如度不逆則鳳凰至 巫咸曰填星受制則
養老存鰥寡行饘粥施恩澤事賓客 郝萌曰填星用
事務招錄賢聖擇廉平勸民耕農實倉庫治城郭通溝

渠奉天祠修治社稷數問牢獄察勉失職務安百姓如是則填星不盈縮不逆行變色 荊州占曰填星順行而明其國有厚德 填星行中道陰陽和調 皇甫謐年歷曰甘石太初歷所以記星出不同者以星盈縮在前各錄後所見也填星之精凡六十三變

填星相王休囚死三

荊州占曰填星之相也從立夏至仲夏時其色大如精明無芒角 填星土也位在中央王於四季其星從孟

夏至仲夏時色當赤而微小及季夏王時其色比北極中央大星赤黃而光明有芒角 填星之休也從孟秋

至仲秋時色黑而細小無精光季秋時其色當比奎大

星黃白而光明有芒 填星之囚也從立冬至仲冬其

色青而細小赤黑止而不行

甘氏云如小不明也

至季冬王時色

當比左角青黃而光明有芒 填星之死也從立春至

仲春其色白而細小不明至季春時色當比參左肩而

黃白光明有芒 甘氏曰當其相也而有王色主弱女

主用事有休色有土功有囚色女主不昌有死色貴人多喪所留守舍其國有女徵其進舍也及退舍皆為土功憂事 當其王也而有相色則女主宗強有休色政在公卿有囚色女主不昌有死色女主族不祥其所留之舍有德厚其進舍也其國得土其退舍也則失土

當其休也而有王色臣下縱橫有相色女主請謁行有囚色女主宗族有誅傷死色重有女喪所留之舍其國民流亡其進舍也及退舍其國受殃 當其囚也而有

王色有政令四時不和多風雨災五穀不成盜賊起野
多囚人有相色臣下為謀謀及司空有休色女主與妾
訟有死色國有土功所留之舍其國是當其進舍也絕
嗣復興其退舍也有哭音 當其死也而有王色下勝
上枯木復生臣專政有相色地泄其藏從地中出有休
色五穀暴貴人臣散亡有囚色必有霜雹所留之舍尤
凶其進舍也地動若有蛇怪其守舍也有移徙澤

填星光色芒角四

甘氏曰候填星以季夏戊巳此王氣色當如其常色變則失所也 郝萌曰填星色有常黃比參右肩 荊州占曰填星常色如北極明星赤比角星黑比奎明星 黃帝占曰填星色白多為獄一曰有素服天下不安

填星色黃而光輝輝大更宮室有土功事 填星色黃

大無光女主得意一曰女主年中有忿爭 禮記威儀

曰君乘土而王其政太平則填星黃而暉多 詩緯曰

填星華此奢侈不節王政之失 海中占曰填星光明

歲熟其所守國安大人有喜增地 郝萌曰填星赤華

也期九十日兵起 填星春色蒼歲善大熟 填星色

青黃其國有憂 填星赤色光而澤也不出其年兵起

填星色赤飢期三年色青黃有憂色青白期不出五

月兵若獄大起青多為兵白多為獄青白等兵獄並起

色青黑六十六日有喪皆所在之宿名其國 天官書

曰填星色青圓憂病一曰憂水青角有兵憂 填星色

白圓有喪若星赤圓有兵黃圓則吉 荊州占曰填星

居之分久而光明人主吉昌 填星色春青夏赤秋白

冬黑色順四時其國強女主昌 填星色黑圓多疾若

水黑而小國有死王赤為兵白為喪黃則吉 填星色

黑黃圓女主吉有喜赤圓女主凶 填星色黃潤澤即

國有慶 海中占曰填星色白芒澤有子孫喜立王

郝萌曰填星赤有芒其野謀兵 荊州占曰填星芒邪

亂失色女主心不正 填星色赤芒有兵若火 填星

三黃芒女主盛其國強三黑芒其國亡 天官書曰填

星兩黑角水青角憂有兵白角哭泣之聲赤角犯我城
黃角地之爭 荊州占曰填星七角又有芒女主專政
妄誅 填星出其角為旱 填星在四方宿當如其方
色吉失色而角青為憂赤為旱白為兵黑有死喪 填
星失色五角即有戰若色黃而有九芒有大水不乃天
裂地動 填星黑角則水赤角有兵若旱黃角有土功
事

填星盈縮失行五

甘氏曰填星失次而上二舍三舍是謂大盈有王命不成不乃大水失次而下二舍是謂縮女后有戚其歲不復不乃天裂若地動 甘氏曰填星緩則不逮急當過舍逆則占 班固天文志曰填星盈為主不寧縮有軍不復 荊州占曰填星退舍為縮所次之國凶 黃帝占曰填星見東方一歲行二舍吏民相將至退地諸侯有失邑者 填星西行一舍以上吏棄法令民棄其君子去其父離其鄉里渡於河海動地而起矣 填星逆

行天下更王 洛書曰填星盈縮下士逆謀兵乃生

填星盈縮地動搖宮有此類則亡引也 填星盈縮九

州騷動四方相賊 潢舍孽曰陽弱臣逆則填星盈縮

陽者君也王者禮義德殺刑盡失填星乃動而盈王者以貪

擾不寧大水出 文耀鉤曰填星南西行為畋獵恣南

西者南多西少也 論語識曰填星盈動國門闔 石

氏曰填星失次進則亡地退則有喪 填星所居久者

其國有德厚不可以軍如所居易者

徐廣曰易猶輕速也

國其德

薄可侵以土地 填星所居之國吉未當居而居之已
去而復還居之其國得地不乃得女當居不安既已居
之又東西去之國失土不乃失女不可舉事用兵不有
土事若女子之憂其國可伐居之久福祿厚居之易福
祿薄 巫咸曰填星盈失次退地白有喪角為爭大為
得地小為失地 填星之居宿國五歲若六歲四歲其
君強固安其所去者其君憂也 填星亂行人主且失
地使之不然無淫亂於樂無見諸侯客無出遊如是則

止海中占曰填星去宿天子不立后去宿南數十尺
女主不用事若大水去其宿北數十尺女主當之若大
旱主好畋獵走狗馳馬出入不時賜與不當則填星
失宿民多病歲多大風黍稷無實京房曰人君內無
仁義外多華飾則填星失度東西叛逆不救必憂霜雪
其救也治社稷明堂近方直親厚重之人災消矣荆州占曰
不救有雷電山崩地坼之災也 郝萌曰人君宰相簡鬼神廢禱祀毀
宗廟社稷即填星逆行色變地動填星逆行有白衣

之會逆行一舍為水 填星超舍而前東行一歲二舍
諸侯有歸國者 填星逆行二舍有兵六十日大赦
填星逆行三舍為政者死 以季夏戊子日候填星其
色變行不如常行失也 淮南子曰填星歲填一宿當
居而不居其國亡地未當居而居之其國增地歲熟
荊州占曰人君宰相大臣治宮室為臺榭內淫佚夫婦
無別淫女用事褻羣神而簡宗廟則填星逆行變色殃
至地動無救則枉矢出民疫飢女主淫佚者填星逆行

入陰外淫洩者逆行入陽逆行入陰旱入陽水逆行十
五度以上女主坐亡之 填星逆行不軌為殃為賊
填星盈出其色蒼白喪 王者德重填星居之女主德
薄填星離宿一曰當居不居其國以水亡 填星應居
之而去其分飢荒流滿四方若居之而不安不可興土
功不可舉大衆 填星亂行王者無德女主不仁淫放
外遊出入無度此惡之所致人君修德以禳之則可無
咎 填星行舍居其南居其北若去之疾其分不可用

兵必受殃若居之而去更反守之分增地 填星離宿
一丈之陽女主不用事去宿一丈之陰女主死 填星
行順道陰陽和若不順道去舍南北若一丈女主不治
一曰王者不立后 填星失次上及二舍大水出上三
舍則天裂地陷逆一舍已上吏擊人民棄妻子去其邑
星東行二舍分失地星若亂行人主失土無淫放無出
遊無興宮室則可以免 填星行失次逆一舍至二舍
其國飢荒人民流亡去其鄉 填星主土以填四方其

行於列客所千年不入 填星出北方宿中舉兵者不利出東方利用兵國強出南方宿下有兵者亡地出西方宿兵起 填星逆行入陰內事逆行入陽外事逆

填星晝見經天六

甘氏曰填星晝見臣謀君女主憂上相死 填星經天而逆行天下更政地大動 巫咸曰填星不經天經天更封 荊州占曰填星起左角逆行至軫是經天其下國當者亡地戰不勝

填星變異生足大小傍有小星七

龍魚河圖曰夫填星主得土之慶其星下為虛星之神

巫咸曰填星下為杜嫗止於空城

黃石公三畧曰初張良遇神老於路

則脫履命良取之良跪而進之老曰年少可教與良三期而後付三略焉良受書老告之曰後穀城見有黃石乃是吾也遂號曰黃石焉然則黃石填星之精黃者填之色也石者星之質也填為土德漢為火行予以王事告其母也神老杜嫗同故備其說

荊州占曰填星失色生足女主退

若被罪 黃帝占曰填星大如狼星而黃天下之兵雖

會其國不亡 填星始出大而日愈小所在國不利始

出小而日愈大所在國利 巫咸曰填星大人主將昌
地廣民人惶惶繫心而行不憂其家乃憂其王 易緯
曰土令廢填消食於戊巳以春月 巫咸曰填星小人
主有憂使之不然無聽鼓鐘之音民人有罪者釋之如
是則止不者民多死有土功失地 荊州占曰填星細
微女主失勢 黃帝占曰填星旁有小星守填星臣欲
弑主小星入填星中事立決小星去臣利填星往復小
星主得臣見東方東方有之見西方西方有之見南方

南方有之見北方北方有之皆以所在之宿名其國

填星流動與列星鬪八

雜書曰填星動溢地侯之災山崩裂 填星動盛不吉

天下亂畔 元命包曰填星動則水決江海破山命曰

地侯躍天雨絲絲偽言咄咀民作船主急去地吐泉魚

銜菟

宋均曰一作龜晉陽秋曰孝武大元三年七月乙亥填星搖三年六月大水

春秋緯

曰黃星動海水浮三公及左右謀 鈞命決曰天水失

信則玄龜不見填星大動 石氏曰禮德義刑殺盡失

則填星為之動 填星動搖離舍使者交接道路 荊
州占曰填星動女主有怒若有怨 郝萌曰填星變色
逆行相凌而闕會客環守其國無道 荊州占曰填星與
列舍闕不出其年分亡地死將

填星穰氣暈彗九

洛書曰黃帝起填星珥魚

氣如魚形
在填星旁

黃帝占曰填星

旁有雲如狗狀有土功期一月 孝經內記曰填星生
氣而為黃穰者明日大溫旦霧夕雨見此者不出五日

五穀賤所見之國尤甚不出三旬中民多疾病亦死

荊州占曰填星出穰氣長四丈

一日雨土

巫咸曰填星自

暈有土功有喪

郗萌曰填星出彗所居下國受兵亡

地不出一年

唐開元占經卷三十八

欽定四庫全書

唐開元占經卷三十九

唐 瞿曇悉達 撰

填星占二

填星犯東方七宿

填星犯角一

黃帝占曰填星犯左角大戰一曰軍死 郝萌曰填星
入角亢去左角三尺若一尺與角並出左角一寸期丙

丁日中地動 春秋圖曰填星逆行角中王后有異喜

郝萌曰填星逆行角女主出入不時 石氏曰填星

在左角失行至房侯王皇帝出入不時王者有所誅

春秋圖曰填星之角天下有徙家為二千石者 荊州

占曰填星起右角之左角尉理受執填星乘右角后族

家若將相有坐法死者 郝萌曰填星乘右角為旱乘

左角為水為兵 填星留西角間軍興國廷間邊境不

通 填星逆乘凌左右角其為日食國有大變 填星

出天門中兵在外罷 填星宿角不明者女主少子
孝經緯曰帝誠孝填角并 黃帝占曰填星出中道
天下太平出陽道旱陰道多雨 陳卓曰填星出陰道
多陰謀 荊州占曰填星出入留舍角六十日不下天
下多暴獄七十日不下天下有急令八十日不下一國
有急事 石氏曰填星守角萬物不成 填星守左角
天門多直人 填星守右角天子好游獵國亡 填星
守天門中國弱四夷侵 甘氏曰填星守角星后有喜

巫咸曰填星守角為水為兵 海中占曰填星守角
五穀多傷人民流亡 填星守左角右角其色潤澤即
歲大熟其逆行從一宿得二宿穀貴一倍從二宿得三
宿三倍其還立賤 填星左右角其色黃小旱民小厲
其逆行即旱其退立雨 郝萌曰填星守角將有憂一
曰有土功之事 填星守左角更政令填星守角為中
兵大臣也 玉歷曰填星守角天子微弱賢人為輔臣
郝萌曰填星出角若守角兵起西方 甘氏曰填星

犯守角強臣不伏若更政令 郝萌曰填星守犯凌右
角為有禍咎

填星犯亢二

郝萌曰填星犯亢廷臣為亂諸侯當有失國者 石氏
曰填星數入亢其國疾疫 甘氏曰填星逆行亢女主
治政一曰徙倚亢前後女主非其人若賤人女暴貴

郝萌曰填星逆行亢女主干朝事 荊州占曰填星倚
亢前後春夏為火秋冬為水 春秋圖曰填星之亢天

下有大喪 郝萌曰填星合亢為歲小有水 填星乘
滅亢右星為大人憂為天下有奇令 填星出入留舍
亢其國以歲致天下一曰有失地之君天下憂 齊伯
曰填星出入留舍亢其國有兵起巢實大賊賊人之女
暴貴 春秋圖曰填星守亢去一尺若七尺四夷附中
國 石氏曰填星守亢五穀傷民流亡 填星守亢四
海且安居貴禮義 填星守亢色青有兵黃有土功白
義黑客事 甘氏曰填星守亢早有土功天下必有得地

之君其國以歲致天下 巫咸曰填星守亢為土功又
曰旱傷在南方萬物不成多火災民疾疫有中兵 海
中占曰填星守亢北水在北方 郝萌曰填星守亢人
民田宅賤一曰人民大亡五穀以水傷敗 填星守亢
為焦旱不生草一曰多蟲蝗 黃帝占曰填星逆行守
亢為中兵 聖洽符曰填星入守亢為民多疫物不成
五穀傷民流亡 郝萌曰填星乘亢右星為水乘左星
為大兵穀貴 填星乘若守亢右星為水若糴大貴乘

左星為兵 海中占曰填星守若舍亢為五穀頗不成
甘氏曰填星犯守亢逆行不順失明其邑大政不用

填星犯氐三

荊州占曰填星犯氐左星左中郎將誅死犯右星右中郎
將誅死期三年 陳卓曰填星入氐中期三十日彗星
出王邑西南指 郝萌曰填星逆行氐女主不居宮

春秋圖曰填星入氐果實大賤賤人女暴貴 郝萌曰
填星徙倚前後於氐女主非其人 填星乘氐之右星

天下有大水乘氐之左星天子自將兵於野 填星出
入留舍氐天下用兵期不出四年更立侯王 填星出
入留舍氐必有亡地者 黃帝占曰填星守氐皇后有
拜賀太子一曰賤人女有暴貴者若有土功之事 黃
星守氐有赦令 石氏曰填星守氐有德令 填星守
氐即歲安色赤有分土裂地之君四夷不服天下大疫
填星守氐國有大賔 填星守氐有土功之事 填
星守氐田宅大貴一曰有赦 甘氏曰填星守大星皇

后有賀 郝萌曰填星守氐太子有智慧九州清 填
星守氐天下必有亡國死王 荊州占曰填星守氐為
后夫人憂謂東行反還去氐兩星二尺期百二十日去
兩星尺期六十日與兩星齊期二十日以赦解之 荊
州占曰填星守氐姦臣有謀 二十八宿山經注曰填
星色青守氐四十日鄭國王死更立人君 海中占曰
填星入守氐必有亡城者天下用兵期不出三年更立
侯王八十日不下野有萬人之衆

子失位而亡順行乘凌中道天下和平 韓楊曰填星

犯鈎鈴王者憂 郝萌曰填星犯乘鈎鈴大臣有謀天

子不尊事天者致火災於宗廟王者不宜出宮下殿有

謀匿於廟中者 黃帝占曰填星守鈎鈴王者失天下

填星犯心五

海中占曰填星犯天王王者絕嗣犯太子太子不得代

犯庶子庶子不利 郝萌曰填星入心大臣有喜 填

星逆行心女主怨望一曰女主干政 黃帝占曰填星

至房心皆正不失其道天下和平軌道失繩災變填
星經心清明列照天下內奉明王帝必延年填星之
心主贊明其國安泰人主有增地天下太平天子有慶
郝萌曰填星在心多雨澤歲熟巫咸曰填星在心
主人親賢石氏曰填星乘心其國相死黃帝占曰
填星居心人主任賢聖洽符曰填星犯乘心為內亂
臣欲弑主有失地君近期十月中期一年遠期二年
荊州占曰填星犯乘心大人凶近期三年遠期九年郝

萌曰填星中犯乘凌心天下大赦 石氏曰填星中犯
乘凌太子位太子憂少子位少子憂 填星犯食心左
星為天子因後有憂 海中占曰填星出入留舍心二
十日不下且有急令三十日不下有名人死者四十日
不下其國大空民亡去其室堂 感精符曰填星守心
為旱若有火災 石氏曰填星守心萬物不成一曰義
士多烈節庸夫立義 填星守心色黃無故青黑旱飢
死 甘氏曰填星守心聖主天下太平若天子有慶

巫咸曰填星守心其國內亂若有土功事一曰民多疾病又云有火 郝萌曰填星守心國安大人有喜增地一云太子反 陳卓曰填星守心太子庶子凶色光明黃吉有慶賜之事 甘氏曰填星逆行守心成勾已若環繞之其國內亂天子惡之赦解之期六月 郝萌曰填星犯乘守心明堂為內亂臣欲弑主有亡國近期十月中期一年遠期三年又曰大臣當之 填星犯乘太子者太子憂不死則去犯乘守明堂大人憂近期十月

遠三年 郝萌曰填星犯乘守心右星為庶子憂 東
官候曰填星犯乘心明堂萬民備火 巫咸曰填星中
犯乘守心明堂為戰不勝將軍鬪死 郝萌曰填星中
犯乘守明堂為旱若備火 石氏曰填星中犯守明堂
大臣當之在陽為燕在陰為越 海中占曰填星留逆
犯守乘凌心王者宮內戰亂臣下有謀易立天子權在
宗家得勢大臣

填星犯尾六

黃帝占曰填星逆行入尾箕妾為女主若星色黃后宮
有喜若立后 渾儀曰填星出入尾必有大將出征魚
鹽大貴 填星與火入尾縑布大貴則將相人民去其
城郭 填星宿尾逆行而變色女多進者 郝萌曰填
星出入留舍尾魚鹽貴至六倍 齊伯曰填星出入留
舍尾必有大將出者而加於齊矣其國無以持之 石
氏曰填星守尾禽獸多暴百姓 填星守尾若角動更
姓易政天下不安其處 巫咸曰填星守尾兵起 海

中占曰填星守尾高田不得食下田荒人民飢 郝萌
曰填星守尾大臣誅 玄冥占曰填星守尾后貴人有
喜若立后 石氏曰填星犯尾有兵起國多盜賊一曰
天下旱人民飢 郝萌曰填星犯守尾為夫人女主后
妃惡之 填星留逆犯守乘陵尾皇后有以珠玉簪珥
惑天子者巫讒大起后相貴臣誅宮人出走兵起宮門
填星犯箕七

春秋緯曰填星犯箕若入宮中天下大亂兵大起 郝

萌曰填星犯箕女主有憂一曰為天下大赦又曰大亂
巫咸曰填星入箕中伺其出而數之如期二十日兵
發伺始入而處之率一日期十日軍罷 荊州占曰填
星入箕盜大起多鬪死者歲不熟 石氏曰填星入箕
天下大亂其中有一星民莫處其室養者星在箕南旱
在箕北有風在箕踵歲熟不者不熟 百二十占曰填
星之箕丘陵且發 郝萌曰填星舍箕用事坐之 石
氏曰填星出箕穀大貴天下旱飢死過半 郝萌曰填

星出入流舍箕年多蟲蝗 石氏曰填星守箕后貴人

大喜若立后一曰王者陵發 填星守箕后有亂 填

星守箕若角動色黑有土功其色青有兩軍相當先起

兵者敗中起兵者昌後起兵者亡 巫咸曰填星守箕

有水災兵起五穀萬物不成 海中占曰填星守箕有

大喪有土功事 郝萌曰填星守箕為其歲水 玄冥

曰填星依度之箕歲大熟 玉厯曰填星守箕人主有

謀二十日不下兵大起若有水災 東官候曰填星出

入箕留守之九十日民人流亡兵大起期一年多雨蟲
必有空國死王谷水至小人專政矣 海中占曰填星
出入舍守箕兵大起

唐開元占經卷三十九

欽定四庫全書

唐開元占經卷四十

唐 瞿曇悉達 撰

填星占三

填星犯北方七宿

填星犯南斗一

石氏曰填星犯南斗為大赦 郝萌曰填星犯行入南
斗且失地使之不然無淫於樂無見諸侯客無出遊如

此即止又曰八庫以喪起兵國中 填星入南斗天下

受爵祿期六十日若九十日 陳卓曰填星出南斗兵

起四方若西南 郝萌曰填星逆行南斗地動

宋書天文志曰

晉考懷永嘉三年填星久守南斗其年地動

填星逆行南斗女主賞賜不

當 黃帝占曰填星守南斗先水後旱若守之一旬名

水有溢者不然則有暴水出 郝萌曰填星居南斗河

戌間道不通 北官侯曰填星處南斗不用衆有天下

填星與太白舍南斗抵斗若兩大宰相為亂 郝萌

曰填星出入留舍南斗之間二十日不下有大喪 齊
伯曰填星出入留舍南斗二十日不下有喜三十日不
下民人無事五十日不下彗星出六十日不下民人憂
九十日不下天下用兵 春秋緯曰填星守斗王者封
賞諸侯若上官吏有受賜者 石氏曰填星守斗國多
義士 郝萌曰填星守南斗地裂一曰山崩天子失制
天下大赦 荊州占曰填星守斗大臣逆姦民賊子欲
殺其主又曰在陽田宅賤在陰田宅貴 石氏曰填星

逆行守斗女主賞淫佚一曰姦臣賊子欲謀君 巫咸
曰填星失次守斗所守之國當誅 聖洽符曰填星入
斗口而守之人民有背主者天下壅蔽在陽為天子在
陰為諸侯期不出一年 郝萌曰填星不入南斗道女
主嫡子不代

填星犯牽牛二

郝萌曰填星入牽牛為天下牛車有行一曰有盜賊
陳卓曰填星逆行牽牛女主為姦為賊 春秋圖曰填

星之牛天下求皮草筋角 郝萌曰填星乘牽牛為天

下有大水起又為人相乘於道 填星出入留舍牽牛

有失地之君 春秋圖曰填星守牛二十日不下大人

有疾牛馬多疫疾而死 石氏曰填星守牽牛諸侯多

忠烈一曰大赦天下有急守牛南為天子牛北為吳

郝萌曰填星守牽牛貴人憂 海中占曰填星守牽牛

為牛多疾一曰兵起凶關東憂雨雪大人疾民人疫

郝萌曰填星守牽牛為穀貴又曰山崩地裂冬雷疾病

姦臣賊子謀弑其主有急令一曰涌水出 陳卓曰填
星守牛鹽貴 石氏曰填星犯守牛有土功事 甘氏
曰填星犯牛留守之為破軍殺將

填星犯須女三

荊州占曰填星入須女天子有大喜 陳卓曰填星逆
行須女主不親事 荊州占曰填星犯乘須女人民相
惡有女喪 郝萌曰填星守須女逆行色不明女主不
親桑 齊伯曰填星出入留舍須女其國得以強且以

武致天下三十日不下國有失地之君五十日不下且有亡王走王民人歸其故鄉 春秋緯曰填星守須女后宮有喜賤女暴貴若后宮專政女謁橫行 石氏曰填星守須女多姣女朝臣幸 巫咸曰填星守須女世多姣好一曰貴女與賤人交 海中占曰填星守須女陰山水出廬宅壞天下多土功事 郝萌曰填星守須女為大水且至 陳卓曰填星逆行留犯守凌須女天子及大臣有變必有奇政令

填星犯虛四

巫咸曰填星入虛中伺其出日而數之期二十日為兵發伺始入處之率一日軍罷 郝萌曰填星入虛有德令大人憂天下大虛天下亂政急 填星逆行虛危其時天下宗廟及諸侯血食有官者盡罷 荊州占曰填星逆行虛君臣不尊敬祭祀女主不謹 春秋圖曰填星之虛有大憂 郝萌曰填星舍天府門中央赦 填星出入留舍虛中且有急令行未當至而至有客兵不

過五日而去當至不至其國且用兵 文曜鉤曰填星
守虛土壅水有土功事若宮女有死亡之憂 石氏曰
填星守虛之中水且為急進而守之有客兵斧鑕將用
一曰世俗遊讒高談雅論 巫咸曰填星守虛宮人多
有病瘧死者若水雨不時天下大旱多風粟貴一曰有
兵災為水災萬物不成穀敗 海中占曰填星守虛人
民不安多妖言 郗萌曰填星守虛大臣有欲危宗廟
者 填星守天府必有亡國死主又曰天下賜喜 石

氏曰填星逆行守虛其君簡祭祠 海中占曰填星入
虛犯守之當有急令星行疾而入必有客兵斧鑕用不
出其年

填星犯危五

荊州占曰填星入危天下大亂若賊臣死 郝萌曰填
星逆行危女主事先人不謹一曰齋戒不謹 春秋圖
曰填星之危泰大熟民有憂 填星出入留舍危其國
破亡矣必有流血國空虛有死王期二年一曰中外有

急未當至而至國有客兵不出五日而去當去而不去
其國且用兵 河圖曰填星守危去之一尺皇后有憂
若貴女有死者 文曜鉤曰填星守危人民有憂 石
氏曰填星守犯若角動色黃黑以興功構架屋事一曰
天下弋獵事在天子 海中占曰填星守犯兵起南方
一曰野物入國庫人君戮有土功為旱五穀不實民人
不安寧民流亡且有疾 郝萌曰填星守危為大人蓋
屋事一曰民多兵 荊州占曰填星守危民多病癰疽

者小有兵 郝萌曰填星逆行守危其君簡祭祀 甘氏曰填星犯守危皇后憂疾兵喪並發國且有大戰工匠大用 海中占曰填星入危留守之其國破亡有流血將軍戰死亡地五百里必有徙王期三年 郝萌曰填星守墳墓為人主有哭泣之聲

填星犯營室六

石氏曰填星犯營室犯陽為陽有急犯陰為陰有急 荊州占曰填星犯營室宮中有變土功事興 春秋圖

曰填星之室田宅大貴 巫咸曰填星居營室關梁不通出入操持符節貴人多死 郝萌曰填星宿室而逆行則女子自恣 北官候曰填星出入留舍營室中六十日不下土功事大起 河圖曰填星守營室邦君有喜賜其爵祿有封土者 石氏曰填星守營室東壁天下不安百姓易處人主徙宮有工匠之事一曰守室色黃白宮女有分離賜邑而去者 甘氏曰填星守營室國有軍若有爵封增國 海中占曰填星守營室南則

主賜金錢 郝萌曰填星守營室為大人忌以赦令解
之一曰后夫人憂 齊伯曰填星守營室三十日不下
土功大起王者作宮室 郝萌曰填星犯守營室宮中
有夭死大人皆有土功之事 荊州占曰填星犯守室
為女有宗廟事以赦解之 春秋圖曰填星逆行留守
室天下不寧貴族不相信親戚離公侯不相敬下欲謀
上

填星犯東壁七

郝萌曰填星逆行東壁女主干治 春秋圖曰填星之

東壁民大煩 郝萌曰填星出入留舍東壁九十日不

下帝王且有起一曰有徙王一曰必有喪兵 石氏曰

填星守東壁遠國獻珍寶 巫咸曰民多疾 郝萌曰

填星守東壁為大人衛守又有土功之事又為天下兵

起一曰狄兵起又為多水一曰歲晚水一曰圖書興文

章進士用人主之廷天下大豐人民順 百二十占曰

填星守壁且有易市 聖洽符曰填星入壁而守之歲

大旱民多病萬物不成 甘氏曰填星逆行守東壁成
勾已其國必有大兵政之事六十日不下有立王 郝
萌曰填星逆行守東壁旱民多病萬物不成一曰女主
自恣

唐開元占經卷四十

欽定四庫全書

子部

唐開元占經卷四十一至四

詳校官中書_臣李采

靈臺郎_目倪廷梅覆勘

總校官編修_臣王燕緒

校對官庶吉士_臣潘曾起

謄錄監生_臣薛振基

欽定四庫全書

唐開元占經卷四十一

唐
瞿曇悉達 撰

填星占四

填星犯西方七宿

填星犯奎宿一

郝萌曰填星入奎以喪起兵一曰國有水事 海中占

曰填星潤澤出奎有善令其變色入奎有偽令來者若

出奎有偽令出使者 郝萌曰填星逆行奎女主為賊

若舍奎四夷皆服來朝中國 荊州占曰填星舍奎國

有德令 石氏曰填星出入留舍奎大水不通行 黃

帝占曰填星出奎女主攝政國有女喜若有女貴 郝

萌曰填星出奎兵起東方 荊州占曰填星出入留舍

奎其國大亂更為元年 黃帝占曰填星守奎有名者

死 石氏曰填星守奎天子戒在邊境不可遠將兵凶

郝萌曰填星宿奎地動 石氏曰填星守奎色黃黑

有土功之事 巫咸曰填星守奎有兵災萬物不成
荊州占曰填星守奎王者憂之一曰大人當之

填星犯婁二

海中占曰填星之婁五穀豐熟人民息天下安 填星
出入留舍婁天下且起兵一曰外國兵來入邊 陳卓
曰填星守婁有亡國者 石氏曰填星守婁天下國土
同心天子優賞賢士 郝萌曰填星守婁者皆為有白
衣之會一曰天子或在邊境不可遠將兵凶 荊州占

曰填星守婁逆不去有姦臣謀主 巫咸曰填星逆行
守婁三十日不下女主出入不時女主謁行若守之久
九十日不下有姦臣謀主 荊州占曰填星出入守婁
六十日不下用兵三年至十月小旱秋有兵禾稼不成
歲有小霜

填星犯胃三

石氏曰填星犯胃臣為亂 郝萌曰填星在胃陽女主
不用事居其陰女主死 又曰犯胃為天下穀無實以

食為憂 石氏曰填星之胃天下有德令當有封爵者

郝萌曰填星出入留舍胃九十日不下客軍大敗天

下小憂兵不用 填星舍胃開倉廩賜貧窮 石氏曰

填星守胃白帝金人將來獻騶驥一曰歲穀大貴動搖

有兵 填星守胃赤黃天子自將兵甲而出其國以亡

填星守胃天子無蓄積一曰有德令 巫咸曰填星

守胃多水災又為兵災萬物不成 玉歷曰填星逆行

守胃若成勾已天下有兵六十日不下士卒大飢軍大

敗九十日不下鄰國有暴兵來伐中國期不出年 巫咸曰填星犯守胃天下倉有繕者當有殃罰

填星犯昴四

聖洽符曰填星入昴蔽人為亂若其王死將軍出兵當有流血兵起東北不出其年 郗萌曰土星入昴中地動水溢宗廟壞 填星逆行昴女主飲食過度 石氏曰填星守昴天下人民貧不得飽又為民多疾一曰多火災為旱 甘氏曰皇后憂失勢王者以赦除咎 石

氏曰守鼎有土功 巫咸曰填星守鼎萬物五穀不成
石氏曰填星出入守鼎外人多為亂一歲不下大將
出兵三年乃止守西北方百里流血 玉厯曰填星犯
守鼎居其南男子多死居其北有女喪居其東六畜死
居其西兵起國有憂 郝萌曰填星中犯守鼎天下有
福一曰土星居北為國家憂若北主死又曰兵北征於
狄一曰為白衣之會

填星犯畢五

黃帝占曰填星犯畢出其北陰國有憂 郗萌曰填星
犯畢有兵謀期八十日若八月 巫咸曰填星入畢中
伺其入日而數之期二十日為兵發伺始入處之率一
日期十日為兵罷 郗萌曰填星入畢者為其國易王
若入畢口中大人當之又曰地大動水溢 又曰入畢
中為憂有兵若出奎入畢大亂若舍畢口諸侯夷滅一
曰大人當之兵起一曰不戰 填星出入留舍畢中八
十日不下兵起居野而不用客軍死之若守畢口君禦

守 石氏曰填星守畢人君為下所制赦令不行 甘

氏曰填星守畢邊有軍者降王侯受賀若有大戰

宋書天文

志曰晉安帝義熙六年九月丁丑填星犯畢九年三月林邑王范明達將萬餘人入寇九真太守杜慧度拒破

之朱齡石滅蜀

巫咸曰填星守畢徭役賦歛煩衆卑者竭尊

者盈下惡其上強凌弱兵並起 郝萌曰土星逆行畢

女主數遊弋獵不當 陳卓曰填星守附耳兵起若將

相有憂若喪不即免退

填星犯觜觿六

石氏曰填星犯觜觿其國兵起天下動移 郝萌曰土

星守觜觿民人數亡 黃帝占曰填星入觜觿中有兵

郝萌曰填星入觜中伺其出日而數之期二十日兵

發伺始入處之率一日期十日兵罷 石氏曰填星守

觜國有叛者 巫咸曰有兵災為水萬物五穀不成

石氏曰民流不安去其國宅一曰君和同又曰西方客

動侵地君王崇禮以制義則國安 黃帝占曰土星犯

守觜國有土功事 甘氏曰土守觜天下安寧 巫咸

曰有兵災為水一曰為萬物不成五穀不盈 郝萌曰
女主喜怒不常土星逆行觜參 荊州占曰填星守觜
觜所出之宿其國亡地所入之宿其國得地

填星犯參七

石氏曰填星犯參國有叛者 郝萌曰填星逆行若留
止衡中者為兵草起 西官候曰填星舍參國有行城
郭兵備 郝萌曰土宿參伐高田賤下田貴 石氏曰
填星守參天下有大喪 填星犯守參大臣有出國使

者 又曰守參有赤星出參中邊有兵 甘氏曰填星
守參大人出使天下治城姦臣謀主有外兵 海中占
曰土星守參軍破國亡 郝萌曰填星守參若角動赤
黑色觸破參中央星臣子弑其君父 填星守參為后
夫人當之

唐開元占經卷四十一

欽定四庫全書

唐開元占經卷四十二

唐 瞿曇悉達 撰

填星占五

填星犯南方七宿

填星犯東井一

郝萌曰填星出東井兵起東北 黃帝占曰填星入東

井有賜爵祿事 石氏曰填星入東井大人憂

宋書天文志曰

青龍三年七月己丑填星犯東井距星四年三月癸卯在參又還犯之景元初年九月皇后毛氏崩三年正月

明帝崩

荊州占曰填星入東井天下無主 五行傳曰

填星當在觜參而去東井亡地

漢天文志曰景帝中元元年土星當在觜參而

居東井觜參梁分也後四年梁孝王死景帝以其子為王也

甘氏曰填星守東井

其歲五穀不登 石氏曰填星宿東井逆行女主齋戒

不謹敬若出入留舍東井三十日不下水且大出流殺

人 郝萌曰填星守東井民多疾 黃帝占曰填星守

東井為萬物不成久守之金錢易 黃帝占曰填星守

東井為水災或犯守在東井守其陽旱守其陰水若國
君受誅以其留守日占國 石氏曰填星守東井為旱
赤地千里不出九十日有赦 郗萌曰土星守東井為
土功事 甘氏曰填星守東井大壅水 石氏曰填星
出入留舍東井六十日不下兵起必有破國死王 填

星守井鉞大臣有誅斧鉞用若兵起

宋書天文志曰魏明帝青龍三年六

月丁未填星犯井鉞四年閏月乙巳復犯井鉞景初元年公孫淵叛司馬懿討滅之 晉穆帝永和十年正月癸酉填星掩鉞星十二年十一月齊城陷執段龕殺三十餘人安帝義熙八年十二月癸卯填星犯井鉞九

年三月誅諸葛長民西
虜正橫安定咸寇之

黃帝占曰填星入井鉞王者

惡之一曰大臣誅 郝萌曰填星犯鉞人君有戮死者

填星犯輿鬼二

甘氏曰填星犯輿鬼人君必有所戮 黃帝占曰填星

犯鬼鑕人君有戮死者 甘氏曰填星犯天尸皇后憂

失勢 黃帝占曰填星入輿鬼有兵 石氏曰填星入

輿鬼大臣有誅者 郝萌曰填星入輿鬼中央天下有

疫守西南星西南病守東南星東南病守東北星東北

病守西北星西北病 填星入鈇鑽王者惡之 荊州
占曰填星入輿鬼國有戮死者一曰戮王 南官候曰
填星入鬼王者戮大臣若將相若九親臣當之 司馬
彪天文志曰填星入輿鬼國有大喪 南官候曰填星
入輿鬼君謀其臣 黃帝占曰填星逆行犯輿鬼女主
用財奢淫過度若女主貴親有憂 郝萌曰填星舍輿
鬼中央赦 南官候曰填星出入留舍輿鬼五十日不
下必有大疾大旱棺木貴絲綿布亦貴 海中占曰填

星守輿鬼出其東水出其北旱 石氏曰填星守輿鬼

大人憂宗廟改一曰主死又為大人有祭祀之事 巫

咸曰填星守輿鬼後宮有憂若旱萬物不成有土功事

郝萌曰填星守輿鬼天下賜喜 石氏曰填星守輿

鬼色黃潤大人增地不則太子當之 郝萌曰填星守

輿鬼西南為秦漢有叛臣以赦令解之 百二十占曰

填星守輿鬼大人當之

宋書天文志曰晉安帝義熙十年七月庚辰填星犯輿鬼遂守

之九月又犯鬼十四年高祖還彭城受宋公明年安帝崩母弟瑯琊王踐祚是曰恭帝也

填星入

若守輿鬼為主憂財寶出亂臣在內若大臣誅有干鉞
乘鑽者君貴人憂金玉用民多疾南入為男北入為女
西入為老人東入為丁壯棺木倍價 荊州占曰填星
守天尸隨所守主者廢之不出七十日其天下國有大
喪陽為人君陰為皇后左為太子右為貴臣

填星犯柳三

甘氏曰填星犯柳若不以正道而入之其國有旱不則
有大災若逆行入之地大動名山崩 荊州占曰填星

入注貴人有喜 石氏曰填星犯柳有木功事若名木
見伐者若宿柳不旱即水 郝萌曰填星出入留舍柳
有急令丹青貴 石氏曰填星守柳天子戒飲食官欲
殺主 甘氏曰填星守柳君臣和同天下道興 郝萌
曰填星守柳萬物五穀不成大飢民多疾疫一曰為叛
臣中兵也以德令解之 海中占曰填星守柳宮中大
亂以相驚若有土功事 郝萌曰填星守柳女主不敬
祭祀一曰多水災

填星犯七星四

甘氏曰填星入七星為人君有事置太子 填星出入
留舍七星其國五穀大貴守五十日不下有兵起倍海
國大敗 郝萌曰填星留七星者天下大憂憂中央
填星宿七星不入其道水一曰旱 黃帝占曰填星守
七星王道興天下治又曰大人有喜 郝萌曰填星守
七星人主出不還一曰有德令 石氏曰填星守七星
有遷王一曰有立后 郝萌曰填星守七星為叛臣中

兵也以德令解之 填星守七星人主出必不還必有
立后徙王一曰有赦若逆行七星女主衣服不法

填星犯張五

黃帝占曰填星入張天下大通去關梁宗室煌煌 郝
萌曰填星出張東舍二尺以上國失地 填星出張兵
起北方 巫咸曰填星在張天下安關梁通 石氏曰
填星留舍張陰陽不和民流千里魚鱉死陸道民憂
疾賊 郝萌曰填星出入留舍張兵甲盡出其秋冬仲

月土功事大起 甘氏曰填星守張天下大通去關梁
一曰天下和平宮女有大喜 郝萌曰填星守張有叛
臣中兵 巫咸曰填星守張三日其事微守之三十日
其事巨大國諸侯謀慮大臣伏法死 填星守張多盜
賊人民相惡兵並起 南宮候曰填星守張兵大起一
曰有土功 石氏曰逆行張女主亂朝 郝萌曰女主
飲食過度

填星犯翼六

黃帝占曰填星逆行翼女主亂朝 填星在翼大臣誅

石氏曰填星守翼有叛臣中兵也若有土功事一曰

萬物不成 郝萌曰填星守翼有兵 甘氏曰填星守

翼王者承德君臣賢明六合同風天下和平禮樂大興

若守一年豐一曰女主有喜者 巫咸曰填星守翼多

水災五穀不成 南宮候曰填星守翼后夫人有喜

填星犯軫七

巫咸曰填星入軫中伺其出日而數之期二十日為兵

發同始入處之率一日期十日軍罷 郝萌曰填星逆行軫女主持喪不謹 填星出入留舍軫六十日不下 必有大旱六月一日不出年河海盡空一日不出三年 必有大喪 石氏曰填星守軫中兵大起 甘氏曰填星守軫土功大起國有白衣之會必有亡地不出其年 荊州占曰填星守軫后有憂 齊伯曰填星入軫若 守之兵大起有憂國河當竭天下大旱禾稼死傷人民 大飢期二年 石氏曰填星逆行軫女主貴親坐之

郝萌曰填星起左角逆行至軫其下國戰不勝

唐開元占經卷四十二

欽定四庫全書

唐開元占經卷四十三

唐 瞿曇悉達 撰

填星占六

填星犯石氏中官

填星犯大角一

海中占曰填星犯守大角臣謀主者有兵起人主憂王者戒慎左右期不出百八十日遠一年

填星犯梗河二

巫咸曰填星犯守梗河國有謀心四夷兵起來侵中國
邊境有憂

填星犯招搖三

聖洽符曰填星犯招搖兵大起敵人為寇若守之敵人
敗若其王死期不出二年 荊州占曰填星守招搖旗
幟廢不用

填星犯玄戈四

聖洽符曰填星犯守玄戈邊兵大起敵人為寇若守之
敵人敗若其王死期不出二年

填星犯天槍五

巫咸曰填星守天槍邊夷兵起機槍大用防戍有憂若誅
邊臣期不出年

填星犯天棓六

巫咸曰填星犯守天棓邊夷兵機槍大用防戍憂若誅
邊臣期不出年

填星犯女牀七

荊州占曰填星犯女牀凶 甘氏曰填星犯守女牀兵起宮中若后妃有暴誅者期百八十日遠一年

填星犯七公八

石氏曰填星犯七公羣公有疑議 黃帝占曰填星守七公為飢民君不安 石氏曰填星守七公輔臣相疑若有誅者人主有憂

填星犯貫索九

石氏曰填星入貫索中犯乘守者以獄為亂多不平

巫咸曰填星守犯貫索天下亂兵大起多獄事貴人有死者

填星犯天紀十

文曜鉤曰填星犯守天紀幸臣執權有兵起王者有憂
填星犯織女十一

黃帝占曰填星犯守織女天下有女憂有兵起不出其年
填星犯天市十二

石氏曰填星入天市將相凶糴大貴若女主有憂又曰
填星入天市中相不死使於皇道 郗萌曰填星入若
守天市糴大賤一曰大貴 又占曰填星入天市中王
宮有憂一曰赦 石氏曰填星守天市有訟事入市必
有戮主留百日失大將 又占曰填星逆行入天市驚
一曰將相凶

填星犯帝座十三

玄冥占曰填星犯帝座為臣謀主天下亂兵大起不出

年

填星犯候星十四

海中占曰填星守候星陰陽不和五穀傷人大飢有兵起

填星犯宦者十五

甘氏曰填星犯守宦者左右輔臣有誅戮者期不出年

填星犯宗正十六

石氏曰填星犯守宗正左右羣臣多死若更政令人主

有憂

填星犯宗人十七

石氏曰填星犯宗人親族貴人有憂若有死者一曰人主宗親有離絕者

填星犯宗星十八

甘氏曰填星犯守宗星宗室之臣有分離者

填星犯東西咸十九

石氏曰填星守犯東西咸為臣不從令有陰謀

填星犯天江二十

巫咸曰填星犯守天江天下有水若八之大水濟城郭損民飢亡去其鄉

填星犯建星二十一

陳卓占曰填星犯建星大臣相譖 甘氏曰填星守建星女主有謀兵起宮中女主有黜者期不出年中 海中占曰填星守建星田宅大貴一曰在陽賤在陰貴

填星犯天弁二十二

甘氏曰填星犯天弁若守之則囚徒起兵一曰五穀不

成粟大貴民飢

填星犯河鼓二十三

海中占曰填星入河鼓大將有受賜地者期百八十日
遠一年 黃帝占曰填星中犯河鼓大將若左右將有
誅其犯守之為誅若有罪以五色占之

填星犯離珠二十四

石氏曰填星犯離珠宮中有事若有亂宮者若宮人有
罪黜者

填星犯匏瓜二十五

聖洽符曰填星犯守匏瓜天下有憂若有搶兵各菓貴
一曰魚鹽貴價十倍不出其年

填星犯天津二十六

郝萌曰填星犯天津關道絕不通有兵起若關吏有憂
若守有兵革 黃帝占曰填星出天津中天下大水有
溢者若天下有急

填星犯螣蛇二十七

甘氏曰填星守螣蛇天子前驅凶若奸臣有謀前驅為害

填星犯王良二十八

石氏曰填星守王良為有兵 齊伯曰填星守犯王良
天下有兵諸侯相攻強臣謀主期不出年

填星犯閭道二十九

石氏曰填星犯守閭道而絕漢者為九州異政各主其
土天下有兵期二年

填星犯附路三十

石氏曰填星守附路大僕有罪若誅一曰馬多死道無乘馬者

填星犯天大將軍三十一

郝萌曰填星入天大將軍興軍者吉 石氏曰填星犯守天大將軍為大將困若有死者

填星犯大陵三十二

石氏曰填星入大陵國有大喪大臣有誅若戮死人民死者大半皆不出其年

填星犯卷舌三十四

石氏曰填星乘卷舌天下多喪 又占曰填星入守卷舌國有佞臣謀其君以口卷舌為人主有憂

填星犯五車三十五

石氏曰填星犯五車大旱若有喪一曰犯庫星兵起北方若西方犯倉星穀貴若有水 海中占曰填星入五車兵大起車騎行五穀不成天下民飢若軍絕糧 郝萌曰填星守天庫以喪起兵國中 又占曰填星舍五

車中央大旱又多蟲在燕代 又占曰填星舍五車東
北六畜蕃息繒帛大賤一曰天下多凶舍東南高田收
下田不收又萬民多疾無死者民反壽舍西南布若棺
槨並貴舍西北天下安寧 又占曰填星守昴東行至
天高復反五車為邊兵發有赦令

填星守天關三十六

石氏曰填星行天關中每至柳楊當去不去徘徊亂行
光色盛怒見其妖祥中國隔絕道路不通 郝萌曰填

星守天關貴人多死 巫咸曰填星守天關王者壅蔽
信使不達若關梁不通 郝萌曰填星行不從天關不
出其年有兵

填星犯南北河三十七

黃帝占曰填星乘南河戌若出南河南為中國 石氏
曰填星守南河蠻夷兵起邊城有憂若旱災人民飢
黃帝占曰填星行南河戌中若留止守之為旱一曰為
有疾在民 郝萌曰填星行南河戌中若留止守之為

有喪 黃帝占曰填星出北河戍北若乘之為 王死
郗萌曰填星出北河戍北若乘之為有女喪 又占
曰填星守北河戍西五穀無實 又占曰填星失度守
陰門若陽門皆為諸侯奸 玄冥占曰北主死天下大
水人民飢期不出二年之內 郗萌曰填星經南河戍
之南刑法峻暴誅伐不當經北河戍之北以女子金錢
貪色奢侈失治道期三年 又占曰填星守南北河戍
賜爵祿不出六十日有赦一曰有土功事 黃帝占曰

填星出北河戌間若留守北戌若居南河戌間若守南戌為天下有難起道路不通

填星犯五諸侯三十八

石氏曰填星犯五諸侯若守之兵大起將士出諸侯有死者 巫咸曰填星入五諸侯伺其出日而數之二十日兵發伺其入處之率一日期十日軍罷 石氏曰填星中犯乘守五諸侯兵死期三年 郝萌曰填星中犯乘守五諸侯為所中乘守者諸侯有殃期三年兵發

填星犯積水三十九

巫咸曰填星犯守積水其國有水災萬物不成魚鹽貴
一曰以水為敗糴大貴人民飢期二年

填星犯積薪四十

甘氏曰填星守積薪天下旱五穀不登人民飢亡

填星犯水位四十一

石氏曰填星守犯水位天下以水為害津關不通一曰
大水入城郭傷人民不出二年

填星犯軒轅四十二

黃帝占曰填星行軒轅中犯女主女主失勢

失勢者憂喪也

列

大夫有放逐者五官有治者色悴為憂為疾其所中犯

乘守者誅若有罪 石氏曰填星在軒轅中有以女子

謀人君者 又占曰填星守軒轅天下大赦 甘氏曰

填星守軒轅天下大亂後宮破散改政易王人主以赦

除咎期三年 黃帝占曰填星守犯女主女主當之中

犯女主女主憂 巫咸曰填星行犯守軒轅女主失政

若失賊一曰大臣當之若有黜者期二年

宋書天文志曰晉穆帝升

平二年十二月辛卯填星犯軒轅大星三年十月豫州刺史謝萬入朝衆潰而歸除名為民十一月司徒會稽王

以二鎮敗求自貶三等也

石氏曰填星中犯乘守軒轅大星大

飢大流太后宗有誅者若有罪中犯乘守少民星小飢小流皇后宗有誅者若有罪石氏曰填星入軒轅中犯乘守之有逆賊若火災

填星犯少微四十三

石氏曰填星入少微君當求賢佐不求賢佐則失威奪

勢矣 石氏曰填星犯守少微名士有憂王者任用小人忠臣被害有死者 黃帝占曰填星入中犯乘守少微為宰相易又曰為女主有憂 石氏曰填星入中犯乘守少微為五官亂宰相有憂

填星犯太微四十四

陳卓曰填星犯太微女主持政大夫執綱 荊州占曰填星入太微軌道吉軌道者入西門出東門若左右掖門行不留也不軌道者謂有所犯守也 石氏曰填星

出東掖門為相受命東南出德事也出西掖門為將受命西南出刑事也期以春夏 荊州占曰填星入太微宮皆為天子大驚一曰有兵又曰入天庭不安 黃帝占曰填星入天庭色白潤澤為期百八十日有赦 荊州占曰填星道西番入留止南門者皆為大臣有憂 石氏曰填星入太微中華東西門若左右掖門而南出端門者為有大臣叛 郝萌曰填星入太微有德令 石氏曰填星入西門出東門皆為人君不安欲求賢佐

入中華西門出中華門間為臣出令入太陰西門出太陰東門皆為天下大亂有喪若大水 春秋緯合誠圖

曰填星入中華闕門者為臣弑主之候 黃帝占曰填

星東行入太微廷出東門天下有兵急若守將相丞御

史大臣有死者若入端門守廷大禍至入南門出東門

國大旱若入南門南行出西門國有大水逆行入東門

出西門大國破亡若順入西蕃而留不去楚國凶殃

郝萌曰填星入西門犯天庭出端門皆為大臣伐主入

西門西折出右掖門皆為大臣假主之威而不從主命
石氏曰填星逆行太微之中及出門左右掖門者有
逆謀天子有命將征伐之事一曰大赦可以解其患也
郝萌曰填星當左右執法為受事守太微門三日已
下為受制三日以上為兵為賊為亂為飢 荊州占曰
填星中犯左右執法者誅若有罪 荊州占曰填
星入太微從右入七日以上皆為人主憂 巫咸曰填
星逆行入太微天庭中為大臣有誅若諸侯戮死期二

年 郝萌曰填星入西華門出端門皆為臣詐稱詔

石氏曰填星入太微廷所中犯乘守者皆為天子所誅

若有罪 石氏曰填星守太微宮必有破國易世改王

案宋書天

文志曰晉安帝義熙十四年八月癸酉填星入太微中犯右執法因留太微積二百餘日乃去是年高祖受宋公恭帝元年七月受宋王二年三月庚午填星犯太微六月晉帝遜位高祖入宮

荊州占曰

填星有留太微廷中皆為天下大憂中央留十日以上

皆為天下有亡徒為兵者 黃帝占曰填星干太微留

守三十日以上必為有草天下大赦 郝萌曰填星逆

行入左掖門皆為臣劫其主又入東門至黃帝座出西門皆為臣欲弑主不成 陳卓曰填星逆行執法四輔若還繞守之所守者有憂若死亡近期一年遠期五年

填星犯黃帝座四十五

石氏曰填星犯黃帝座改政易王天下亂存亡半期三年 石氏曰填星入太微干黃帝座其女主執政用威勢 荊州占曰填星入黃帝座其色白者為有赦 又占曰填星觸黃帝座星賊死 黃帝占曰填星守黃帝

座為人主憂 荊州占曰填星逆行入太微天廷中者
為諸侯將有弑主者至黃帝座而成不至黃帝座而還
有謀不成以其入日占國 雜書摘亡辟曰填星逆守
黃帝座亡君之戒

填星犯四帝座四十六

石氏曰填星犯守四帝座臣謀主去之一尺事不成
又占曰填星中犯乘守四帝座辟憂 甘氏曰填星中
犯乘守四帝座天下亡

填星犯屏星四十七

甘氏曰填星犯守屏星君臣失禮謀上一曰大臣有戮死者 石氏曰填星中犯乘守屏星為君臣失禮而輔臣有誅者若免罷去

填星犯郎位四十八

甘氏曰填星犯守郎位輔臣有謀左右宿衛者為亂王者宜備之

填星犯郎將四十九

巫咸曰填星犯守郎將者命曰凌凌則將有誅若將憂
一曰大臣為亂戒慎左右 荊州占曰填星中犯乘守
郎將必有不還之使

填星犯常陳五十

甘氏曰填星犯守常陳守衛有謀近起宮中天子自出
行誅期百八十日遠一年

填星犯三台五十一

王歷曰填星入犯上台司命近臣有罪若有誅一曰近

臣有逃走者以五色占黃白無咎青黑憂死喪期一年
巫咸曰填星犯守下台司祿近臣有罪若出走色黑
者死

填星犯相星五十二

石氏曰填星犯相星輔臣凶

填星犯太陽守五十三

甘氏曰填星守犯太陽守大臣戮死若有誅期不出年

填星犯天牢五十四

海中占曰填星犯天牢王者以獄為弊貴人多有繫者

填星犯文昌五十五

石氏曰填星入文昌天下兵起其臣不安若有走主

荊州占曰填星入文昌國安

填星犯北斗五十六

郝萌曰填星入守北斗中貴人繫

填星犯紫宮五十七

巫咸曰填星守紫宮民莫處其室宅流移亡其鄉 又

占曰填星入紫宮王者益地天下有喜一曰主敬妃后
又占曰填星入紫宮中若守之女主用事誅大臣期
六十日有赦

填星犯北極五十八

甄曜度曰填星乘守中犯北極主星有大喪若犯妃后
星女主有殃一曰大人當之 黃帝占曰填星犯守鉤
陳後宮亂兵起宮中幸臣王者憂

填星犯天一五十九

石氏曰填星犯天一幸臣有謀有兵起人主憂

填星犯太一六十

石氏曰填星守太一幸臣有謀兵起人主憂

唐開元占經卷四十三

欽定四庫全書

唐開元占經卷四十四

唐 瞿曇悉達 撰

填星占七

填星犯石氏外官一

填星犯庫樓一

郝萌曰填星入庫樓兵出 又占曰填星入天庫以舉
兵大吉

填星犯南門二

石氏曰填星犯守南門邊兵起若道路不通

填星犯平星三

石氏曰填星犯平星凶 甘氏曰填星犯平星執政臣

憂若有罪誅者期一年

填星犯騎官四

甘氏曰填星犯守騎官有兵起馬多發若多死

填星犯積卒五

石氏曰填星入積卒若守之兵大起士卒大行若多死
期二年

填星犯龜星六

海中占曰填星犯守龜星天下有水旱之災守陽則旱
守陰則水

填星犯傳說七

石氏曰填星犯守傳說王者宗廟廢五祀後宮凶一曰
有絕嗣君期不出二年

填星犯魚星八

石氏曰填星犯守魚星凶 甘氏曰填星守魚星之陽
為大旱魚行人道守陰為大水魚鹽貴

填星犯杵星九

海中占曰填星入杵星若守之天下有急發米之事不
出其年

填星犯鼈星十

黃帝占曰填星守鼈星為有白衣之會 巫咸曰填星

守鬻星國有水旱之災守陽則旱守陰則水

填星犯九坎十一

石氏曰填星守九坎天下旱河水不流五穀不登人民大飢一曰之陽大旱之陰有水

填星犯敗臼十二

郝萌曰填星守敗臼民不安其室憂失其釜甑若流移去其鄉

填星犯羽林十三

郝萌曰填星入羽林為叛臣中兵也 海中占曰填星
入守羽林有兵起若逆行變色成勾已天下大兵關梁
不通不出其年 石氏曰填星入天軍以喪兵起 郝
萌曰填星犯守天軍為兵起有破軍死將

填星犯北落師門十四

石氏曰填星守北落師門為兵起 又占曰填星與北
落師門相貫抵觸光芒相及有兵大戰破軍殺將伏尸
流血不可當也期百八十日若一年

填星犯土司空十五

海中占曰填星守土司空其國以土起兵若有土功之事天下旱

填星犯天倉十六

黃帝占曰填星入天倉戶中主財寶出君憂臣在內天下有兵而倉庫之戶俱開主人勝客事不成期二十日中而發 荊州占曰填星守天倉天下飢粟出

填星犯天囷十七

石氏曰填星入天困天下兵起困倉儲積之物皆發用
一曰御物多有出者庫倉空期二年

填星犯天廩十八

石氏曰填星守天廩天下大亂 又占曰填星入守天
廩天下有兵歲大飢倉粟散不出其年 又占曰填星
犯守天廩天下亂粟散不出年

填星犯天苑十九

石氏曰填星入守天苑牛羊禽獸多疾疫若守之二十

日天下兵起馬多死其國憂

填星犯參旗二十

海中占曰填星守參旗兵大起弓弩用士將出行一曰
弓矢貴

填星犯玉井二十一

黃帝占曰填星入玉井強國失地其出之強國得地
巫咸曰填星入玉井國有水憂若以水為敗水物不成
期不出年

填星犯屏星二十二

甘氏曰填星入屏諸侯有謀若大臣有戰死者一為疫

填星犯廁星二十三

黃帝占曰填星守天廁為大臣有戮

填星犯軍市二十四

石氏曰填星入守軍市兵大起將軍出若以飢兵起

填星犯野雞二十五

甘氏曰填星入軍市犯守野雞其國凶必有死將軍營

敗兵士散走

填星犯狼星二十六

石氏曰填星守狼星野獸死 荊州占曰填星守犯狼
星大將出行其國有兵一曰有死將

填星犯甘氏中官二

填星犯四輔一

荊州占曰填星犯乘守四輔星君臣失禮輔臣有誅者

填星犯酒旗二

荊州占曰填星守酒旗天下大酺有酒肉財物賜若爵
宗室

填星犯天高三

荊州占曰填星守天高有大赦

填星犯天潢四

黃帝占曰填星入天潢兵起運道不通 黃帝占曰填
星入天潢為天下大亂易政一曰貴人死 巫咸曰填
星出入天潢中大亂大旱民死不葬改世易主以所入

占四方中央 郝萌曰填星失度留潢中為人主以水
為害若以井為害以入日占其國 黃帝占曰填星中
犯乘守天潢期二十日兵起

填星犯咸池五

甘氏曰填星入咸池有兵喪天子且以火為敗失忠臣
若旱一曰大水道不通貴人死以入日占國 郝萌曰
填星入咸池女子為亂若迷惑人主者

填星犯天街六

郝萌曰填星當天街為諸侯自立為王一曰大水石氏曰填星犯天街徘徊亂行主弱臣強道路隔令不行不出其年有兵又占曰填星留止若逆行天街中者皆為兵草起

填星犯甘氏外官三

填星犯鈇鑕一

荊州占曰填星犯鈇鑕五日以上臣有謀者郝萌曰填星乘守鈇鑕為鈇鑕用一曰將有憂

填星犯蒨藁二

黃帝占曰填星入蒨藁中主財寶出憂臣在內

填星犯軍井三

郝萌曰填星入軍井三日以上其歲大水國多土功

填星犯水府四

郝萌曰填星守水府天下洪水

填星犯天廟五

黃帝占曰填星入天廟若守為廟有事一曰為凶憂

荊州占曰填星入天廟若守有廟殘之事不去則死

填星犯巫咸中外官四

填星犯土司空一

荊州占曰填星守土司空有土徭之事

填星犯鍵閉二

郝萌曰填星犯守鍵閉星大臣有誤天子不尊事天者天子

不宜出宮下殿有匿兵於宗廟中者

案宋書天文志曰魏齊王正始九年

七月癸丑填星犯鍵閉明年車駕謁陵司馬懿奏誅曹真等天子野宿是其失勢之驗也

填星犯天淵三

荊州占曰填星守天淵海水出江海決溢若海魚出

填星犯鈇鑽四


荊州占曰填星犯鈇鑽誅諸侯 黃帝占曰填星入鈇

鑽為大臣誅 荊州占曰填星犯守鈇鑽兵起

填星犯天廐五

荊州占曰填星入天廐十日以上廐馬有食變 黃帝

占曰填星守天廐為有災事天子以馬為憂不即馬疾



唐開元占經卷四十四